

## სახელმწიფო შესყიდვის შესახებ ხელშეკრულება N4/06

10 ივნისი 2016 წ.

### ქ. თბილისი

ერთის მხრივ, სსიპ ტექნოლოგიური ინსტიტუტი (შემდგომში - „შემსყიდველი“), წარმოდგენილი მისი დირექტორის თემურ ლომთაძის სახით და მეორეს მხრივ, სს „დაზღვევის კომპანია ქართუ“ (შემდგომში „მიმწოდებელი“), შემდგომში ერთობლივად წოდებული მხარეებად, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას შემდეგზე:

### მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველისა“ და „მიმწოდებლის“ მიერ ხელმოწერილი წინამდებარე ხელშეკრულება, მასზე თანდართული ყველა დოკუმენტით.
- 1.2. „ხელშეკრულების ღირებულება“ – თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – სადაზღვევო კომპანია, რომელიც ახორციელებს „ხელშეკრულებით“ გათვალისწინებული „მომსახურების“ მიწოდებას.
- 1.6. „მომსახურება“ – „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – „ხელშეკრულების“ პირობების შესრულების კონტროლი.

### მუხლი 2. ხელშეკრულების საგანი.

ხელშეკრულების საგანს წარმოადგენს სადაზღვევო მომსახურების (CPV 66500000 - სადაზღვევო და საპენსიო მომსახურებები) შესყიდვა, კერძოდ „შემსყიდველის“ 8 (რვა) თანამშრომლისათვის 2016 წლის 19 ივნისიდან 2016 წლის 15 აგვისტოს ჩათვლით, ხოლო 1 (ერთი) თანამშრომლისათვის 2016 წლის 19 ივნისიდან 2016 წლის 25 ივნისის ჩათვლით (მიემგზავრებიან იტალიაში) სამოგზაურო დაზღვევის შესყიდვა წინამდებარე „ხელშეკრულების“, ამ ხელშეკრულებაზე თანდართული დანართის, სამოგზაურო დაზღვევის პოლისების და სამოგზაურო მიმავალთა დაზღვევის წესებისა და პირობების შესაბამისად. ხელშეკრულების ყველა დანართი, პოლისი და დაზღვევის წესების და პირობები წარმოადგენს „ხელშეკრულების“ განუყოფელ ნაწილს. წინამდებარე „ხელშეკრულების“ ფარგლებში დაუშვებელია „შემსყიდველის“ მხრიდან სხვა პირის დაზღვევა, გარდა „შემსყიდველის“ თანამშრომლისა. „მიმწოდებელი“ უფლებამოსილია მოითხოვოს, ხოლო „შემსყიდველი“ ვალდებულია წარუდგინოს „მიმწოდებელს“ შესაბამისი დოკუმენტაცია (შრომის ხელშეკრულება, დანიშვნის ბრძანება, ამონაწერი საბანკო ანგარიშიდან), რომელიც უდაოდ დაადასტურებს, რომ ამ „ხელშეკრულების“ საფუძველზე დაზღვეული პირი, „ხელშეკრულების“ მოქმედების განმავლობაში წარმოადგენს „შემსყიდველის“ თანამშრომელს. იმ შემთხვევაში, თუ დადგინდება, რომ დაზღვეული პირი არ არის „შემსყიდველის“ თანამშრომელი - მისი მიმართ დაზღვევა არ განხორციელდება და სადაზღვევო ანაზღაურება გადახდილი არ იქნება.

### მუხლი 3. ხელშეკრულების ღირებულება

- 3.1. „ხელშეკრულების ღირებულება“ („სადაზღვევო პრემია“) შეადგენს 463 ლარს.
- 3.2. „ხელშეკრულების ღირებულება“ მოიცავს როგორც მისაწოდებელი „მომსახურების“ ღირებულებას, ასევე „ხელშეკრულების“ შესრულებასთან დაკავშირებით „მიმწოდებლის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

### მუხლი 4. საქონლის მიწოდების ადგილი და ვადა

4.1. „ხელშეკრულების“ ხელმოწერიდან, „შემსყიდველის“ მხრიდან წინამდებარე „ხელშეკრულებაში“ მითითებული ელ.ფოსტის მისამართზე, დაზღვევის გაფორმებისათვის საჭირო ინფორმაციის წარდგენიდან 3 (სამი) სამუშაო დღის ვადაში გადასცემს „შემსყიდველს“ 9 (ცხრა) ცალს სამოგზაურო დაზღვევის პოლისს/ სამოგზაურო მიმავალთა დაზღვევის წესსა და პირობებს.

#### **მუხლი 5. მხარეთა უფლება-მოვალეობები**

5.1. „შემსყიდველი“ უფლებამოსილია ნებისმიერ დროს განახორციელოს „მიწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.

5.2. „შემსყიდველი“ ვალდებულია:

ა) უზრუნველყოს მიწოდებული „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში;

5.3. „მიწოდებელი“ უფლებამოსილია მოსთხოვოს „შემსყიდველს“ „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში.

5.4. „მიწოდებელი“ ვალდებულია:

ა) მიაწოდოს „შემსყიდველს“ მომსახურება „ხელშეკრულებით“ გათვალისწინებული პირობების შესაბამისად;

ბ) „მომსახურების“ მიწოდებასთან ერთად, „შემსყიდველს“ გადასცეს ყველა შესაბამისი დოკუმენტი;

დ) „მომსახურების“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

#### **მუხლი 6. გარანტია**

„მიწოდებელი“ იძლევა გარანტიას, რომ მის მიერ მიწოდებული „მომსახურება“ იქნება მაღალხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზების აღმოფხვრა და „შემსყიდველისათვის“ მიყენებული ზიანის ანაზღაურება.

#### **მუხლი 7. ინსპექტირება**

7.1. „შემსყიდველი“ უფლებამოსილია ჩაატაროს ინსპექტირება ნებისმიერ ეტაპზე, რისთვისაც გამოყოფს უფლებამოსილ პირს, ხოლო „მიწოდებელი“ ვალდებულია ხელი შეუწყოს მას ინსპექტირების განხორციელების დროს.

#### **მუხლი 8. საქონლის მიღება-ჩაბარება**

8.1. „მომსახურება“ მიღებულად ჩაითვლება მას შემდეგ, როცა მხარეთა უფლებამოსილი წარმომადგენლები ხელს მოაწერენ 9 (ცხრა) ცალი სამოგზაურო დაზღვევის პოლისების/საზღვარგარეთ მიმავალთა დაზღვევის წესების და პირობების „შემსყიდველისათვის“ ჩაბარების თაობაზე შესაბამის მიღება-ჩაბარების აქტს.

#### **მუხლი 9. ანგარიშსწორება**

9.1. ანგარიშსწორება ხორციელდება უნაღდო ანგარიშსწორებით ლარში.

9.2. ანგარიშსწორება ხორციელდება მთლიანად, „მომსახურების“ მიღება-ჩაბარების აქტის ხელმოწერიდან და ინვოისის შემსყიდველისათვის“ წარმოდგენიდან 6 (ექვსი) დღის ვადაში.

#### **მუხლი 10. ფორს-მაჟორი**

10.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

10.2 ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3 ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუგზავნოს ინფორმაცია მეორე მხარეს, ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის

მიხედვით, აგრძელებს „ხელშეკრულებით“ ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისგან.

#### **მუხლი 11. მხარეთა პასუხისმგებლობა**

- 11.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მათ დაეკისრებათ პასუხისმგებლობა კანონმდებლობით გათვალისწინებული წესით.
- 11.2. „მიმწოდებელს“, ხელშეკრულებით ნაკისრი ვალდებულებების შეუსრულებლობის შემთხვევაში, დაეკისრება ჯარიმა „ხელშეკრულების ღირებულების“ 5%-ის ოდენობით.
- 11.3. „შემსყიდველს“ ხელშეკრულებით ნაკისრი ვალდებულებების შეუსრულებლობის შემთხვევაში დაეკისრება ჯარიმა „ხელშეკრულების ღირებულების“ 5%-ის ოდენობით.

#### **მუხლი 12. ხელშეკრულებაში ცვლილებების შეტანა**

- 12.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.
- 12.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 12.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. „ხელშეკრულების“ პირობების გადასინჯვა ხდება საქართველოს კანონმდებლობით დადგენილი წესით.
- 12.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, „ხელშეკრულების ღირებულების“ გაზრდა დაუშვებელია „ხელშეკრულების ღირებულების“ 10%-ზე მეტი ოდენობით.

#### **მუხლი 13. დავების გადაწყვეტა**

- 13.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
- 13.2. თუ ასეთი მოლაპარაკებების დაწყებიდან 10 (ათი) დღის განმავლობაში მხარეები ვერ უზრუნველყოფენ სადაო საკითხის შეთანხმებით მოგვარებას, ნებისმიერ მხარეს უფლება აქვს მიმართოს საქართველოს სასამართლოს დავის გადაწყვეტის მიზნით.

#### **მუხლი 14. ხელშეკრულების შეწყვეტა**

- 14.1. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება, იმ შემთხვევაში, თუ „მიმწოდებელი“ ვერ უზრუნველყოფს ვალდებულებების შესრულებას, ასევე მოქმედი კანონმდებლობით დადგენილ სხვა შემთხვევებში.
- 14.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.
- 14.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

#### **მუხლი 15. ხელშეკრულების მოქმედების ვადა**

„ხელშეკრულება“ ძალაშია მხარეთა მიერ მისი ხელმოწერიდან და მოქმედებს 2016 წლის 01 ოქტომბრამდე.

#### **მუხლი 16. სხვა პირობები**

- 16.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.
- 16.2. „ხელშეკრულება“ შედგენილია ქართულ ენაზე, 2 (ორი) თანაბარი იურიდიული ძალის მქონე ეგზემპლარად, რომელთაგან 1(ერთი) ინახება „შემსყიდველთან“, ხოლო 1 (ერთი) – „მიმწოდებელთან“.
- 16.3. „ხელშეკრულებასთან“ დაკავშირებული ნებისმიერი მიმოწერა უნდა განხორციელდეს ქართულ ენაზე.

დანართი:

1. დაზღვეულთა პირთა სია და პასპორტების ასლები;
2. სამოგზაურო დაზღვევის პოლისი და საზღვარგარეთ მიმავალთა დაზღვევის წესები და პირობები (სტანდარტული ფორმა).

მუხლი 17. მხარეთა იურიდიული რეკვიზიტები

შემსყიდველი:	მიმწოდებელი:
<p>სსიპ ტექნოლოგიური ინსტიტუტი ს/კ 205326805 ქ.თბილისი, ი.ჭავჭავაძის გამზ.39ა E.Mail: dapruidze@gmail.com ტ.577464850</p>  <p>დირექტორი თ.ლომთაშვილი</p>	<p>სს „დაზღვევის კომპანია ქართუ“ ს/კ 2049700341; ქ.თბილისი, ჭავჭავაძის გამზ. N39ა; E.Mail: info@cartuinsurance.ge ტელ. : +995 32 223 03 03 სს „ბანკი ქართუ“; ბ/კ CRTUGE22 ა/ა GE45CR000000000533602</p>  <p>გენერალური დირექტორი ბ.ა. არჩილ მამაცაშვილი</p>